

Lozcwngz: Gobing Goksa Hoh“Bet It”



罗城：军歌嘹亮庆“八一”

7 nyied 24 hauh banhaemh, Lozcwngz Mulajcuz Swciyen youq yienhsingz minzcuz vwnzva gvangjangz gawjbanh vwnzyi vanjvei aeu “Gobing Goksa·Funghgim Bonghmbin” guh cawjdaez neix angqhoh “bet It” ciet genginh.

Youq seiz vanjvei, aen yienh neix gyoengq yenjyenz funghvuengzgim yisuzdonz、ginzyenz

yozdui、yienh yisuzdonz vih vunzlai yienj vujdau、siujbinj、boq dig、ciengqgo daengj cezmuz, cungfaen yienh’ok gij conzungj ndei mbanjbya Mulauj “bing gyaenz minz minz bang bing” neix, ndaej daengz bouxyawj bekwngz angqhoh.

(Se Sunhwngz/谢顺珩)

◀ Cezmuz byaujyeny ndei yawj raixcaix.

Ginanz Dayoz Bouxcoz Bouxgagnyienh Hezvei Bae Daengz Denzyangz Cunzranz

暨南大学青年志愿者协会到田阳开展家访

7 nyied 23 daengz 27 hauh, Ginanz Dayoz Bouxcoz Bouxgagnyienh Hezvei bae daengz Denzyangz Yen haiguh aen cawjdaez dwg “doengzcaezy majhung” cunzranz hozdung, aen cunzranz hozdung donzdui Bouxcoz Bouxgagnyienh “lwghag bangcoengh dajsuenq gietdoi” youz 21 boux lauxsae hagseng gyoebbaenz haenx, bae daengz ndaw yienh le couh faenbaenz 3 aen siujfaendoih, youz ndaw yienh yangh gak gaep donzvej daiq roen, faenbied bae daengz gak yanghcin lajmbanj, doiq faenbouh youq daengx yienh gak mbanj 100 boux cungh、siuj hagseng ranz gungzhoj cug aen guh cunzranz, caeuq hagseng gungzhoj it doiq it、naj doiq naj gangjgoj gyauhliuz, ciengzsaeg cam rox cingcu j gij cingzvang hagseng hagsib swnghhoz gungzhoj, gujli gyoengq gungzhoj hagseng haenx yied gungzhoj couh aeu yied roengzrengz doegsaw, vanzlij moix baez daengz ranz cunzranz sat le, bouxcoz bouxgagnyienh hezvei hawj moix boux gungzhoj hagseng 500 maenz cienzbangcoh. Ndaw doz dwg daih’ it siujfaendoih bae daengz aen yienh neix Yifung Cin caeuq hagseng gungzhoj haenx it doiq it、naj doiq naj gangjgoj gyauhliuz.



(Vangz Gozsun/黄国顺)

Gveibingz: Gvaq Aen “Saednyienh” Goeng’ik Hozdung Iq He

桂平：迎来“实愿”微公益活动



▲ Hozdung siujcu j soucomz gyoengq doengzhag simmuengh ciengzmienh.

7 nyied 27 hauh, aen “saednyienh” goeng’ik hengzdoengh iq siujcu j youz Baekging Dayoz Fusuz Sawqniemh Cunghyoz gauhcungh ngeih nienzgaep doengzhag Vangz Siujyenh daengj gyoebbaenz haenx daeu j daengz Gveibingz Si Lozsiu Cin Lijva Siujyoz, caeuq hagdangz lauxsae hagseng gyauhliuz, soucomz gyoengq doengzhag simmuengh, guhbaenz mbawsimmuengh, doenggvaq veihsin gunghcung bingzdaiz senhconz lwnhgangj gij cingzvang guek raeuz dieg baihsae hagdangz hagseng hagsib swnghhoz gungzhoj seizneix, gujli doengzhag、lauxsae henz ndang caeuq ndawbiengz ligliengh nyinhlingx mbawsimmuengh, bangcoengh caeuq gyaenzhoh gyoengq lwgnyez gungzhoj haenx, swnjcienz simndei, caez guh “siengjmuengh Cungguk” gyaendei.

(Cenz Libingh/全丽冰)

Yungzsuij: Lwgnyez Mozdwz Doxdax Gvaq Sujgyaj

融水：少儿模特大赛过暑假

7 nyied 26 hauh banhaemh, Yungzsuij Myauzcuz Swciyen gawjbanh lwgnyez mozdwx doxdax. 40 lai boux Myauz、Yauz、Dung daengj saujsu minzcuz cungh siuj hagseng daj Yungzsuij Myauzcuz Swciyen、Sanhgyangh Duncuz Swciyen、Yungzanh Yen daeu j haenx, byaujyeny byaij T daiz seizhwng gyaendei、caizyi doxdax daengj, angq gvaq sujgyaj.

(Lungz Linzci/龙林智)



▲ Geij boux doengzhag byaujyeny cezmuz.



▲ Lwgnyez Myauzcuz gaem aen venz diuqfoux.